

➤ Notes for parents. Activity next page.

**The purpose of this task is to have your child:**

- learn to use addition and multiplication to solve problems that involve money

**Think about this:**

- They'll need to write down their results.
- Talk with them about the fact that there are 52 weeks in a year and 26 fortnights.
- If your child earns pocket money, have them write down how much they would earn in one year. If they saved half of this, have them write down what their savings would be.
- Maybe they don't earn pocket money but this has given them some ideas. They also need to realise that it is important to be helpful at home without expecting to be paid.
- Encourage them to talk with you, or with someone in your family about what they are doing (rather than with a classmate).

### He tauira kōrero Māori

Pānuihia tēnei kōrero mō te mahi a Oscar. E hia tana whiwhinga mō tēnei mahi?	Read this text about Oscar's job. How much does he get?
Mēnā e rima tāra tana whiwhinga i ia wiki, e hia te tapeke o ana moni i te paunga o ngā wiki e ono?	If he gets \$5 a week, what will he total after 6 weeks?



# Ngā Mahi Tipakopako A Oscar

## Ngā ariā matua ā-pūtea

- Me kawe anō e koe ngā whakataunga matua ā-pūtea nāu anō i whakatau.
- Ka nui atu te moni ka whiwhi koe, ka nui atu te rahinga ka taea e koe te penapena.

## Ka hiahiatia

- he tātaitai

## Hei Mahi

I mātātakitia a Oscar e tōna pāpā ki te penapena i te \$45 whakareatia ki tōna pakeketanga (\$45 x 8 = \$360) hei tāna koha ki te kaute penapena hararei a te whānau. Ko ērā atu moni ka taea e ia te penapena ka noho hei moni whakapau māna anō.

Ka whiwhi moni au mā te mahi i ētahi mahi tipakopako mō aku matua kēkē me aku whaea kēkē, me aku kiritata. Me eke taku moni whiwhi ki te toharite o te \$1 i ia rā mō te tau kei te taka mai kia tutuki ai te mātātaki penapena a Pāpā.

a. Māku koe e utu e \$5 i ia wiki mō ngā wiki e 6 i te wā o te ngahuru ki te tahitahi atu i ngā rau kei taku ara kuhunga.

e. Māku koe e utu e \$2.50 i ia rua wiki mō tētahi tau ki te horoi i taku waka.

h. Māku koe e utu e \$2 i ia wā e tākaro tahi koe me taku pēpi, a Harry, mō te haurua haora i a au e whakarite hapa ana. Ka taea pea tēnei e koe i ngā Rāhina me ngā Rāpare mō ngā marama e 3 kei te taka mai.

i. Māku koe e utu e \$5 i te haora ki te whakapū i aku wahie me te kohikohi hua inohi. Ehara i te mea me oti katoa i te wā kotahi - hui katoa, ka āhua 12 haora pea te roa mō te whakaoti i te mahi.

Ngā mahi tipakopako a Oscar

He tino toki au ki ngā mahi ririki huhua noa

1

E hia te moni whiwhi ka taea e Oscar:

- mā te tahitahi atu i ngā rau a Matua Thomas mō ngā wiki
- mā te horoi i te waka o Matua Rob mō te kotahi tau?
- mā te tākaro tahi me pēpi Harry mō ngā wiki 12?
- mā te whakapū i ngā wahie a Whaea Alison (12 ngā haora
- mō te katoa o ēnei?

2 He aha pea ngā whakawhiti o Oscar mehemea ka whiwhi moni ia mā te mahi i ngā mahi tipakopako?

- 3 a. Mehemea ka penapena a Oscar i te \$1.50 mai i tana moni pūkoro \$3 i ia wiki, e hia kua penapenatia ā te mutunga o te tau?
- e. He aha ka tukuna atu pea e ia kia penapena ai i taua rahinga moni?


4 Ka whiriwhiri a Oscar e hia pea ka penapena ia mā te mahi i ngā mahi tipakopako me te penapena i te haurua o āna moni pūkoro mō tētahi tau.

- a. Whakaotia te tūtohi mā Oscar.
- e. Ka taea e Oscar te mātātaki a Pāpā? Whakamāramatia tō whakautu.
- h. He aha anō ka taea e Oscar te mahi mehemea ka pīrangi ia ki te penapena kia nui ake te moni? (Kia maumahara, ko te moni ka tuwhene i te \$360 ka noho hei moni whakapau.)

Ka utu a Pāpā i te \$3 i ia wiki ki a au ki te mahi i ngā mahi i tua atu i ērā ka mahi tahitia e mātou hei whānau. Ka taea hoki e au te penapena i ētahi o ērā.

Ko ngā moni pea kua whiwhi au i te mutunga o tētahi tau

Ko te mahi i ngā mahi tipakopako e whā	
Ko te penapena i te haurua o aku moni pūkoro	
Tapeke	



\$135 mō ngā wā 15, te utu mō ngā akoranga kauhoe e mahia ana e au i ia raumati. Ka taea pea e au te whakakore i aku akoranga kauhoe i tēnei tau, ka penapena kē i te moni tērā ka whakapaua e Pāpā ki ngā utunga.

5

- a. E hia pea te tapeke a Oscar i nāianei?
- e. E hia ngā moni ka toe mai ki a ia hei moni whakapau?
- h. He aha ka taea e ia ki te tiaki tonu i āna pūkenga kauhoe kia iti iho ai te whakawhiti?

**He pātai huritao**

★ Kua hapa i a Oscar tētahi mea nā tana whakapau kaha ki te mahi, kua pai ake ia rānei? Whakamāramatia ō whakaaro.